

四庫全書

集部

欽定四庫全書

眉菴集卷七

明 楊基 撰

五言律

省垣對雨 二首

朱邸開東閣，青闈對晚林。  
雨苔行處濕，風葉坐來深。  
俯仰唯緘口，交游孰吐心。  
偶逢佳節醉，萬事總銷沉。

其二

舊雨深叢菊新霜小樹楓醉憐花冷淡愁愛葉疎紅沙  
遠無鳴柝江寒有斷鴻羈懷誰共語默默坐書空

贈秦侍儀

文采玉娟娟班行內外聯蕃王從學拜邊使候通箋侍  
立彤庭上追趨法駕前今朝退朝早衣上有爐烟

送翰林修撰劉用章赴滇陽

桂苑思戎客薇垣亞相才人皆期管樂我獨愛鄒枚霧  
雨爐熏掩星河殿影開玉堂清切地遲爾早歸來

宿高季迪京館

歲晚此相逢  
鄉情侶酒濃  
語長銷夜燭  
夢短及晨鐘  
急雪風鳴葦  
微雲月照松  
鷄前趨闕去  
寒樹曉龍悲

春盡始聞鶯聲

衆綠鵠園池  
鶯聲啼更宜  
愛於三月暮  
聽似百花時  
上苑啼應早  
南風見自遲  
綠窓殘夢斷  
相憶海棠枝

為牛諒侍御題畫

步履近星辰  
霜凝翠栢新  
自憐烏府月  
應照白頭人  
綉

斧監祠夜封章待漏晨清朝崇孝治一飯不忘親

和牛侍御懷弟之作

春草綠芊芊看雲憶惠連午陰花萼上秋色鴈行邊此  
日臨池坐當時聽雨眠應將舒卷意戲綵北堂前

懷吳中赤山舊業二首

東林携策處南垞釋耕時一逕都緣石諸泉盡到池靜  
憐松響續涼愛竹陰移盛世容歸隱母令解組遲

其二

漸與世紛遠自然塵慮消沿隨碧溪水徑渡綠陰橋岐路迷還識孤村近却違閒身任來往不爲野人招

夏夜有懷

重露澄秋色輕風生夜涼碧看湖草亂紅愛渚蓮香有弟徒相憶何人不異鄉悲笳在城上雙淚落衣裳

逢鄭校書

一從淮水別千里各西東又是秋風後相逢客路中鬚眉怜我老憂患憶君同遙想西齋宿孤燈照影紅

江村雜興二十首

春墅一鳩啼橋危懶過溪徑苔都上壁野菜不分畦倚  
杖妨花密看山碍竹低欲知幽隱處風雨白門西

其二

陋巷泥三尺無人訪隱淪窓鳴風減睡炕斷雨添貧野  
路花迎客江橋柳送人暫須依薄俗憇此竄餘身

其三

春色冶城東花濃笑老翁燕避雙壘破蜂早一房通薄

暝山腰雨疎紋水面風便携蓑笠去垂釣綠蒲中

其四

判醉望愁醒愁因醉轉增已歸仍似客投老漸如僧詩興風樓笛棋聲雪舫燈莫言渾不解此事野夫能

其五

東瀼復西圻村村可釣磯草於烟處密花較雨前稀小管催鶯出疎簾待燕歸傷心新柳色猶妬舊羅衣

其六

偶因辭祿去聊傍葦邊居瓢棄頻賒後衣存屢典餘晚  
簾花掠燕春水絮吹魚復恐沙崩石楊裁挿遠廬

其七

江橋春別後沙舸獨歸時鶩鴨東西宅菰蒲遠近陂蘋  
深荷蓋密竹瘦筍鞭遲野趣誰能識唯應白鷺知

其八

斜檻俯江湍輕帘蠶小竿柳寒鶯羽濕花暖蝶鬚乾酒  
或臨流酌詩多寫石看不因迂僻地那得此身安

其九

江影搖春樹潮痕摺晚沙綠蕪三尺雨朱槿一籬花去國仍思國還家復夢家自無干祿意何必遠京華

其十

將雨山光黑初晴樹色青賣薪沙店遠占穀瓦龜靈石枕支頤冷江瓢漱齒腥醉餘春睡熟長得鳥呼醒

其十一

乍暖夾衣輕閒依綠渚行鳥喧如有訴花慘似傷情風

度思前輩才華畏後生自緣耽野趣初不爲逃名

其十二

詩廢并無藁琴亡况有函菌生春藥臼苔蝕種花錢徑濕慵頻掃畦荒懶自芟畏人詢往事欲語意先慚

其十三

江月盈盈白墟烟細細陰茅茨孤碓急機杼一燈深短笛多悲調長歌少醉吟自憐知已盡空負壁間琴

其十四

野渡緣沙濶村酤入市逢雨籬花婉婉風箇葦蕭蕭祠  
古猶供祭墳荒不禁樵夜來沙觜沒漂斷屋西橋

其十五

僧居映柳庄漁市入橫塘晚渡雙橈月朝吟一硯霜療  
貧知有術醫俗笑無方種得青青草離憂賴爾忘

其十六

清流曲幾回喫飯此山隈歌斷憐鶯續詩遲畏酒催晚  
晴初見月春盡尚逢梅歸路緣江熟支筇不用陪

其十七

江渚疑無岸蘆蕪遠接波花疎遊騎少酷賤醉人多  
已將離出蜂能負子過祇愁春已晚欲借魯陽戈

其十八

咫尺南朝寺松杉覆短垣野猿偷佛供山鳥學人言石  
氣晴猶濕泉聲靜却喧塵心久空寂隨意給孤園

其十九

儀因非無舌顏貧尚有田病多賒藥券貧乏買山錢白

璧文徵日黃金寵賜年都將舊遊夢一笑野漚邊

其二十

情深却倦遊矮屋任低頭花落東風怨鶯啼夜雨愁酒  
煩隣媼買詩許社僧求欲駕東家鶴吹笙到十洲

句曲秋日郊居雜興 十首

茅屋人歸後荒村更異鄉樹寒烏遠月江冷鴈啼霜影  
賴燈相續愁緣酒在忘明朝覽青鏡白髮幾多長

其二

出門山氣夕循徑入谿陰野水經寒淺秋風到晚深草  
潛驚鶲兔莎露啄魚禽自采黃花嗅誰知獨步心

其三

漸老愛秋光升沉意兩忘鴈聲偏到枕蟲響故依床辟  
荔千林雨芙蓉一樹霜故園叢菊在衰颯為誰香

其四

庭樹聚棲鴉溪流沒淺沙瘦憐人似菊濃愛葉如花秋  
色都連水寒雲忽變霞自慚長在客無地不思家

其五

牕掩輝輝燭爐消細細香無風寒尚淺有雨夜偏長飢鼠搖空索枯螢委破囊十年江海夢此夕詎能忘

其六

地與華陽近三峰獨往來草香千品藥松老一身苔書怪獨偷讀門經鹿撞開牆東有修竹移向北庭栽

其七

編竹補疎籬生芻束酒旗鷄豚田祖廟鷹犬獵神祠玉

糝菰為粉璫酥豆作糜兒童採蘆葉爭學短簫吹

其八

欲往竟無適意行仍獨還猿聲黃葉寺牛背夕陽山書  
棄將成業身投未老間相逢莫嘲誚才與不才間

其九

偶隨黃蝶去岸情樹邊橋卯酒紅初散朝霞白漸消沙  
平留鴈跡水落見魚苗却愛箕山老從容棄一瓢

其十

落葉擁柴扉  
村深客過稀  
曉車分穀去  
晚箇飯牛歸漁  
負雨蓑立鳥啣霜  
果飛此中真小隱  
予亦久忘機

杜伯寧雨中相過晚晴送別

念汝能相過  
危橋渡野塘  
入門巾屢濕  
滿席芰荷香  
我愛秋前雨  
人誇午後涼  
都將耕鑿意  
一笑送斜陽

懷句容縣中諸友

武師文

山市遶寒廳  
雲分半榻燈  
苔荒征訟少  
果熟稅錢增  
薄

卷七  
俸長畱客新詩或寄僧朱絃嗟久斷欲續竟誰能

趙仲弘

古貌復長鬚山林一老儒豐城埋古劍滄海得明珠文氣曹劉並才華沈宋俱故園諸友盡相見獨踟蹰

柏師文

白髮已千莖相逢喜氣生看山留十日待月坐三更秋浦槎頭釣春泥谷口耕莫言蹤跡閼朝市久知名

翟好問

愛爾山城隱柴門對縣衙酒貲千畝苧生計一園瓜雨  
步荷巾濕風吟席帽斜時時扶短杖看竹到東家

居行恕

一榻卧秋陰松明照夜深瓦枰山館奕石薦竹窓琴老  
愛籠鶩字貧消買藥金岡頭三日別葉落亂蟬吟

樊楚尹

綠幙雨初涼閒齋夕漏長硯生秋蘚碧花落紫薇香教  
予抄書法逢人錄酒方自緣耽野趣臺閣意都忘

吳善養

心境兩俱寂松風時掩關佩紉蘭葉紫冠製竹皮斑飲  
少長先醉吟多每自刪近來登眺懶滿壁畫秋山

吳損菴

玉笈佩神經雙瞳煉更青秋雲分席坐春雨卧樓聽掃  
石持鸞尾對泉洗鶴翎清虛長不食輕欲駕飛輶

巫山隱

巫山青十二一一楚江濱自入山中隱都忘夢裡身玉

冠蒼水珮鶴氅紫荷巾媿我方為客秋風滿面塵

送句容劉少府回揚州

家具一車輕囊書與短檠更多難別意人有去官情帆影江沉寺簫聲月到城竹西尋舊業烟雨綠蘪生

贈華陽道士徐介之

太極仙翁劍相傳此瘞藏蘚痕皆銕色松影尚雷光斗閣三花供真壇半夜香便須邀顧况特地宿君房

客懷

休官得養親况及楚江春喜極花迎笑情多柳效顰玉  
釀銀葉鱠紅稻紫絲尊遙想西園草青青待遠人

七月十四日過龍江

親已年逾九兒纔月過週家貧歸似客路遠去如流失  
意螢辭火驚心燕感秋平生離別淚相對未能休

沙河舟中

旅懷歸正急春色到非遙草際風初泛蘭心雪未消鶯  
明欺白髮鷗快避輕橈得遂歸田計殊恩感聖朝

儀真逢張孟恭

相見獨依依都緣會面稀故鄉諸友散獨客幾人歸江  
總頭全白劉琨事已非野鷗知別意故繞夜航飛

瓜州逢邱克莊

江水靚如空江華冷未紅憐予猶客裏羨汝已鄉中白  
苧青衫雨烏紗短帽風不須搖艇子垂釣五湖東

閏七月二日發淮安

舟行日已晡帆影動檣烏伯拋錢祭風神醉酒呼紅

憐瓜似蜜白愛芡如珠且就篙師醉何煩問遠途

至鍾離發書寄婉素

漂泊嗟吾遠支吾賴汝賢老親思饌肉癡女憶衣綿刀  
尺砧聲裏燈花笑影邊聊將千里夢持送到金川

盱眙懷古

舊說盱眙縣居民不掩關鷄聲啼鳥上人影落花間簾  
幙層層雨樓臺面面山惟餘孤塔在秋蘚綠斑斑

舟中聞促織

促織來何處哀吟近短蓬不堪為客裏况復是舟中殘  
夢寒衾月孤燈夜枕風此時腸欲斷恨不耳雙聾

元夕前雨

楚澤春初入巴江水又來草憐容易綠花恨較遲開月  
暗燈慵試衣單苧懶裁晴光在梅柳應待鼓聲催

人日懷高啟

客路逢人日流光惜易過楚山青漸少吳樹綠還多短  
草茸茸雪輕鳬隊隊波無因寄高適詩罷獨吟哦

哭陳仲野都事沒任所 二首

冰雪阻修途  
畸魂託老奴  
百年鄉夢斷  
萬里客墳孤  
橐遺書在期功  
遠姓無一孟  
寒食飯誰與  
掃榛蕪

其二

輿繩暗風沙  
丹旌映晚霞  
吏人營殯殮  
童僕着衰麻  
襲無遺嗣招魂  
有外家重來恐迷處  
記取路三義

送沈自誠任武康縣丞

朱紱還家日  
青衫佐縣時  
野蠶春自蠻山犬暮生  
旄絰

讀隋唐律間臨漢魏碑都將晉陽事寫作送行詩

寄張彥楨

城小更臨邊今聞太守賢牛歸新覆屋農種久荒田機杼春坊月旌旗晝壘烟直須興禮樂間巷盡歌絃

省中元夕剪綵簇牡丹燈一樹戲題

綵樹玉為柯銀燈錦作窩絳紗籠月小金剪得春多暖艷千枝雪天香五色羅掖垣齊事肅相對夜如何

洪都

江流與郡通山勢向西雄綠樹南風裏黃梅細雨中城  
門帝子閣鉄柱羽人宮欲就蘇公飲東湖小圃東

立夏前一日有賦

漸老綠陰天無家怯杜鵑東風有今夜芳草又明年蠶  
熟新絲後茶香煮酒前都將南浦恨聊寄北窓眠

東湖晚眺

漚沒岸如無涼多柳易枯巫歸神廟靜兵語驛亭孤日  
落霞明渚虹收雨暗湖此時蓬底坐天盡是東吳

湖口見月

秋月自嬋娟澄波照更妍梳憐宮鬟側眉想鏡臺前初  
見愁將墮猶觀喜漸圓旅懷何處感風露九江船

風雨泊舟

江渚初寒夜全家在一蓬漂零兼主僕憂患及兒童  
響孤城雨鍾聲遠寺風明朝青鏡裏鬚髮定成翁

晚過秋浦

淡日雨晴天江村正可憐碧雲初見鴈紅樹尚聞蟬一

望皆秋色千山各暮烟自慚簪組累羞近釣魚船

晚登峨眉亭

亭子憑虛好登臨似鏡臺江分一股折山作兩眉開濃愛秋烟隔顰疑暮雨來短歌聊共寫深愧謫仙才

沙河至采石

四首

近午風猶熱微陰日已淒病軀勞更弱憂色瘦偏薰路轉蒹葭入舟從絡緯棲此中腸易斷不待玉關西

其二

河曲帆頻轉波高夢屢驚學人孤拜月照骨鬼吹燈斷  
甓沉沙嘴殘碑露石稜不知何縣邑芳草沒荒塍

其三

病後難為客天涯獨此身幾朝纔聽鶴千里未逢人夢  
好徒增喜詩工不療貧悔將孤釣艇拋棄五湖濱

其四

舟中逾一月驛路及三千老淚青衫上新愁白髮前蛩  
聲秋岸雨鴻影暮河烟不有西征客誰同此夜眠

逢鄉人俞武仲

釀酒醉江神占風欲問津偶於春草外逢着故鄉人語  
密終難別知新却易親因君問先壘清淚滿衣巾

江船早起

霽色耀輕霞風檣起曙鴉防寒憑酒力避淺問漁家日  
出鷄鳴樹波清蟬上沙此時蓬底坐極目看蘆花

夜坐

坐久一船霜神清念慮忘水當深夜白星隔大川黃鐘

斷松間寺燈歸柳下庄鳬鷺方露宿漁父莫鳴榔

夜坐聞江聲

天寒月滿川冬夜木蘭船人影清於鶴江聲急似弦書  
殘燈落燼香在帳留烟多少關心事相隨到目前

江船聞柝

月皎江逾白沙明岸欲無柝聲寒郭靜人語夜航孤酒  
渴思分橘衣單怯絮蘆蓬憐抱鬪者霜露裂肌膚

宿雲港

三首

新月低江樹回風疊浪花珠明初見斗綺淡欲銷霞轉  
柁防危石收帆避淺沙鄰船有漁火兒女自成家

其二

孤檝辨漁舟雙旌識戍樓江山人老去歲月水東流驚  
外霞催晚虹邊雨送秋不因風浪急那得此淹留

其三

江闊淨無埃澄澄一鑑開兩帆烟外小單櫓月中哀更  
靜漚初定秋深鴈未來誰家東戶好蒲柳逐行裁

晚入湖口過大悲閣

石斷岸爭出蘿垂樹倒縣僧吟秋閣雨人渡野航烟鴈  
驚清江畔蒹葭白露前終慚累軒冕空學在家禪

至吳城山得南風過湖

沙嘴南風起船頭雨正飛人方離別去鴈又竟辭歸暖  
日紅生暈晴波綠漲肥龍君廟前柳顏色妬羅衣

謁鄱陽湖龍君廟

劍履朱袍列幢幡碧殿開舟人沉璧祭神女獻珠來欲

雨蟬鳴樹將風鵠遙臺瑤函有珉冊猶是楚王裁

出左蠡望廬山時春雨新霽山色明潤獨不見五

老峰為賦

瀑布銀河落香爐紫霧分諸峰皆翠碧五老獨烟雲澗  
濕雨猶滴坡香草自薰遙知幽絕處麋鹿自成羣

夜泊琵琶亭聞笛

夜泊古亭邊春愁滿畫船青衫司馬淚紅袖琵琶絃故  
國人何在澄江月又圓誰將折楊柳三弄落花前

江邊小旗亭

亭子枕春沙青旗趁雨斜瀟湘新畫壁桃李舊栽花換酒來雙鯉當鑪立兩鴉當年下江客相約送新茶

雨中登望湖亭有懷幕中諸友

水接虛無白亭浮浩蕩開登臨能幾日風雨又重來  
蘋濕花初歛蒲深葉半摧乍同諸友別吟望獨徘徊

鸚鵡洲

綠遶武昌城遙連漢口營廩蕪昨夜雨鸚鵡舊時名詩

句憐崔顥才華惜禡衡誰能洲下泊不有釣蓑情

江夏朱元瑾折蘭花見寄

幽蘭不易得孤潔比秋霜自可供金屋何須寄草堂一  
花湘水碧數葉楚山長便結參差佩羅衣十日香

岳陽樓

春色醉巴陵闌干落洞庭水吞三楚白山接九疑青空  
闊魚龍舞娉婷帝子靈何人夜吹笛風急雨冥冥

舟中聞杜鵑

落月祁陽路聲聲叫子規萬山春盡夜孤枕夢回時客  
自傷漂泊人誰念別離無多眼中淚聽汝不勝悲

宿巴陵

楚有巴陵好君山對縣門暮烟湘樹遠春雨蜀江渾日  
落船依岸人歸犬吠村憑虛望雲夢胸次詎能吞

入永州

石氣陰才霧嵐霏暖欲霞憩床腥畏虎飲礮毒防蛇紅  
葉秋崖樹青蘿晚洞花江山盤屈外遙認兩三家

零陵二首

地僻三苗近江回二水兼青林皆種蠟赤穀半收鹽好  
武人輕鬪多祠俗尚占晚來山霧濕衣薄又須添

其二

古瓦籠山葛荒碑仆石楠江晴初漲雨城午未銷嵐甃  
富鯖羞鹿盃渾酒餉蚺邦人盡麻枲終歲不知蠶

湘中雜言九首

春水連春草遙遙一望同烟江來漢口雲樹出湘中竹

有啼痕碧花仍笑靨紅誰能鼓瑤瑟哀怨向東風

其二

小雨弄春晴湖光媚更清髻憐新沐後眉愛靚妝成鵠  
潔知無累鷗明覺倍輕離離川上草端為客愁生

其三

鄂渚雲歸後巴山雨過時鶻啼湘女廟花落楚王祠家  
遠身如夢愁多鬢易絲聊將身暫泊沙嘴看鷗鷺

其四

風起一湖香青青杜若長花迎衝浪楫燕逐使風檣欲采蘭為佩仍褰荔作裳何如山閣上屏裏看瀟湘

其五

江晚樹沈沈羣山入漠陰驛亭千柳暗僧院百花深  
鶯曝愁融雪鶯流欲墮金旅懷元易感非有壯遊心

其六

鷗聚江初靜鴉啼樹已昏碧湘悲帝子芳草怨王孫帆影烟中浦漁燈雪後村寥寥萬里客極目正銷魂

其七

城近江臨郭沙虛月在川柳宜春雪後花怯晚風前野  
爨三家市鄉音幾處船坐聽磯下水嘈雜響湘絃

其八

山霽雲猶濕江寒雪未消雙旗樓鼓急孤塔寺鐘逢水  
綠鳬鷺藻洲香翡翠苕巴人暮歸急橫渡不停桡

其九

指點鷗飛處人間是岳州湘潭山亂出江漢水兼流深

竹新祠宇飛花舊酒樓平生巴楚夢明日洞庭遊

初入山西境

晉鄙不識稻來麌常在庖民居多土窟官賦半羊毛七月裘寒着千山狼夜嗥遺風唐儉晉古廟享臯陶

山西秋日


澹日荷香外微涼樹影邊俄聞落疎雨便覺是秋天塞近風寒早天高氣候偏忽思陳鼓吹萬馬向居延

和宋大參省垣對雪

和風春前入瑤花雨後寒簾疎穿每易闌曲聚偏難客  
自衣裳薄人誰夢寐安披垣今夜直離恨正多端

闕題

以下俱原闕



五言排律

水邊見新燕

昔別秋風後今歸社雨前巢非金屋舊人是玉堂仙頤  
領公侯似腰肢妓女憐花明春殿雪柳暗御樓烟羅幕  
棲長並銀屏過每聯尾寒鶯共濕衣暖蝶爭妍忽見青  
帘外俄逢綠水邊莫嗔茆舍小臺榭總蕭然

早秋送趙景普東歸

歌斷復依依情多忍遽違未緣春色晚自感故交稀舟

傍荷花宿人先燕子歸乍涼才却扇多病欲添衣驛樹  
風蟬咽江祠雨鶴飛幾時搖艇子來扣竹間扉

元夕京城觀燈與楊廉夫先生同賦

琪樹遶春蛾銀燈爛絳羅風柔宵漏永天近月明多瑞  
靄浮雙闕繁星動兩河仗迎仙佩出香拂輦塵過苗苔  
層層雪魚龍灔灔波清時更良夜遊讌莫蹉跎

送傅子敬憲使

朝散掖垣風恩秉憲使馳星辰天咫尺山水浙西東民

力凋零後君心屬念中江晴鷗汎雪雲淨鶴橫空草復  
新年綠花仍故苑紅無因送君去鄉夢託冥鴻

送竺孟容戍營丘

內殿朝辭日東藩報命時白門花婉婉青社離離山  
雨朱袍濕江風錦帽欹歌禡牙朝進祝散敵夜吹篪士馬  
驚銅鼓兒童織綉旗突圍當左拒射敵中斜枝赤手干  
人服丹心一劍知功成正年少雙鬢未如絲

趙宣人衛氏挽章

故國王孫貴名家母德新令儀推冢婦榮寵錫宜人讀  
史青闈夜治絲錦帳春野烟條綠柘溪雨采香頻熊膽  
資諸子虬髯識衆賓鏡臺俄掩月琴匣久蒙塵遺範傳  
宗闇悲歌動縉紳霞坡原上草相望一傷神

八月九日祀社稷述事

祝史祝王冊儒臣奉誓詞衣冠陳盛典秬鬯降洪釐用  
報金穰瑞仍祈雨露私勾龍嚴配位神棄肅明祠幣玉  
趨宗伯笙鏞奏瞽師精靈潛格爾肸鑾儼來思赤壤

新封國玄牲舊制儀豈惟宜土穀還得奠邦畿師出常  
依主君行每告期禮終受多祐民物正熙熙

晉邸北狩

剛戊吉初消藩宮武用宣猶田之藪隰旄節邁閨鄼啓  
巾驪為飾幘銜驛作纏形弓臣累百貝胄士逾千雲路  
龍章袞璇霄鶴駕輶和鸞軾前奏韞服鞬傍懸笳鼓鳴  
翻海置羅布匝烟獫羨過走兔鷹翥捷飛鳶沫沮多麋  
鹿幽岐盛豕研延賓左罿達登豆右臚穿殮兕才方著

當熊譽又傳骨都魂亦散勅勒部齊遷固以異文象不  
殊詩雅篇邊氓瞻紀律勲業可銘鐫



眉菴集卷七

欽定四庫全書

集部

眉菴集卷十

八至

詳校官庶吉士臣李傳熊

中書臣劉源溥覆勘

總校官知縣臣楊懋祚

校對官編修臣莫瞻蒙

謄錄監生臣范從理

欽定四庫全書

眉菴集卷八

明 楊基 撰

七言律

送路季璉問聘河東時東駕出師太原二首

三晉封疆拱帝圻  
兩河山色照戎衣  
青虹貫日隨星出  
赤鳥如雲夾電飛  
使者梅花春後折  
王孫芳草夢中歸  
入朝若問東南事  
積粟如山萬馬肥

其二

三讓祠前酒一卮杏花紅白柳絲絲古來使者稱吳札  
此日行人得趙咨老祖山河終不改諸侯勲業已如斯  
青宮賜宴如前日為賦柄柄六月詩

聞官軍南征解圍有日喜而遂詠

四首

天師南下靜風塵正月樓船渡孟津中外諸侯元有約  
東南豪傑豈無人十年白骨埋荒楚一日蒼生去暴秦  
喜極自提孤劍舞不知雙淚落衣巾

其二

巴江東去動旌旗此變還應責望誰尺土未歸終自復  
一夫作難彼何時北來兵勢當無敵南向人心賴不離  
見說兩淮消息好已將牛酒犒王師

其三

兩河精騎向襄陽全蜀材臣出鳳翔天下風雲爭會合  
江東子弟謾捨攘人皆厭亂思平世誰不將歸說故鄉  
我有先瑩依古井十年不奠一壺漿

其四

官軍聞說下揚州  
夢裡扶搖賦遠遊  
天運未容人  
力勝  
民心須順物情求  
遭逢喪亂生何補  
見得昇平死即休  
沽取一壺花下酌  
弟兄兒女笑相醉

寄楊鐵厓先生

不見雲間楊鐵史  
寮中七客近如何  
老來詩句疎狂甚  
亂後文章感慨多  
長笛參差吹海鳳  
小瑣楊柳舞天魔  
春明日盡嬉遊樂  
莫解梁鴻五噫歌

先生所居  
名七者寮

懷悼朱秦仲總制

力盡戈鋌援不回猶揮赤手搏風雷波濤失意蛟龍伏  
肝膽如杠虎豹摧漫使張遼說關羽誰將全武易秦裴  
煩君更緩須臾死要對春風酒一杯

送雪坡太守之武林

湖上烟飛開畫船鳬鷺鴻鴈滿前川舊遊未覺英雄老  
遺愛猶思太守賢驛樹籠葱春雨裏江花零落晚風前  
遙知不着登山屐先向閭閻問倒懸

送謝參政朝京

萬方臣妾歸降日四海諸侯職貢秋七冊寶書銀葉篆  
九重珠絡翠雲裘舍人入奏臚傳早天子論功寵遇優  
正及燕山三尺雪馬蹄須遍御街遊

郡齋養病呈醉樵內史 三首

江雲倏忽暝還收五月猶寒着敝裘芳草斜陽看易晚  
綠荷疎雨聽如秋池塘空澗蜻蜓喜簾幙蕭條燕子愁  
不是無言成獨坐暫將心事靜中求

其二

小軒新沐喜神清  
短幘單衣覺漸輕  
松下琴書晴亦潤  
竹西窓戶晚猶明  
愁來對酒心先醉  
病後看花意懶行  
却憶故山深處立  
綠蘿千樹叫流鶯

其三

亂裏情懷苦未開  
更兼貧病兩相催  
翻書自取醫方讀  
寫券頻賒藥品裁  
有子問安催啖粥  
無人療渴漫思梅  
東山謝傅能相憶  
風雨園丁送韭來

送潘省參穀北覲

黃鉞專征異撫軍  
薊門鼙鼓接西秦  
江淮久賴齊桓伯  
中外方思李泌臣  
鶴駕簫聲丹禁曉  
龍池柳色舊宮春  
邦交不用縱橫術  
況復東周有古人

挽呂輔之參軍

老來不作華亭尹  
死後仍書貞惠君  
猶有綿袍憐范叔  
更無珠履哭田文  
練兵每到防秋試  
積粟多緣歉歲分  
欲奠一尊招夜月  
紫藤蒼柏繞孤墳

送錢思復曲江

庚信文章四十年一官今喜便宜遷諸侯賓客青雲表  
亂世功名白髮前弟子年來金馬詔故人天上玉樓宣  
先生且向江南老草閣東風聽雨眠

登石湖山亭和胡宣古宋仲溫

危亭百尺瞰奔湍落日清虛縹渺間石壁倚風青鳥下  
洞簫吹月玉龍還霸圖猶在英雄夢雲氣或連吳越山  
無限興亡眼前事五湖烟水不相關

虎丘遊和張雲門韻

烟草離離接故宮，劍光無復吐長虹。  
虬髯一怒江山定，鳥喙重來苑囿空。  
佛宇勢凌雲海日，梵鍾聲和塔鈴風。  
峯前虎去高丘在，野草殘花泣露紅。

追送徐孟岳

長洲苑前春草生，騎馬送君君已行。  
東風楊柳忽淡蕩，新水鶩鴨自縱橫。  
青松堆雨晚飯足，白苧裁雪春衣成。  
隣家有酒可賸買，我欲相從聽早鶯。

寄王常宗

不為春愁減帶圍自緣多病故人稀  
無多的的梅花在有幾斜斜燕子歸  
月上湖平還蕩槳酒醒風起更添衣  
微官未得追隨去定悒爐熏靜掩扉

寄號醉樵饒介之

萬里西風到井梧泠泠秋水接平蕪  
清虛自是松間鶴瘦硬何須石上蒲  
千古英雄雙醉眼四山風雨一樵夫  
正須斤斧收材木要向凌烟見畫圖

送胡布張憲二軍咨 二首

鳳凰出世不多見  
神駒汗血非全功  
子龍勇冠萬人敵  
劉表氣壓三軍雄  
會使策勲李海內  
何必紀姓歸遼東  
遲子縱橫覽八極  
當駕巨浪乘長風

其二

丈夫許國亦何蚤  
中興綏冕皆吾徒  
絳火流雲赤雀下  
神劍入海妖龍屠  
秦人玉琯不自惜  
宋客燕石何其愚  
會見清明舊雕鷁  
騫飛萬里騁良圖

送趙智之海濱兼柬乃伯元鼎

十月肅霜霜未嚴片帆歸去雨纖纖鴈飛空闊雙斜影  
山隔蒼茫一翠尖自笑楊雄登館閣誰憐膠鬲在魚鹽  
到家為我寒暄問汝伯遙應雪滿鬢

寓雲間送人之上海兼簡曲江居士

嗟予多難未能歸念爾無家更別離春近江花開次第  
雪消沙鴈落參差英雄惟贈劍三尺貧賤相逢酒一卮  
為語海州錢博士白頭誰與細論詩

同雲間謝嘉書張夢辰舟

手持三尺青琅玕  
鼓枻來徃凌風湍  
放歌吳淞江月白  
濯足洞庭秋水寒  
黃金何用鑄范蠡  
紫尊自足供張翰  
扁舟早晚落吾手  
便當相逐投魚竿

將歸吳中留書雲間齋舍

讀書喜逢明主知直節  
不受儒官欺男兒自當萬人敵  
少壯恥為童子師江總還家向草草  
仲尼去魯獨遲遲  
蜀雲亭下春消息雪白梅花開一枝

元夕次韻鐵崖先生

三首

千輪萬騎影參差盡道風光勝舊時珠果亂拋金並帶  
銀花交射玉連枝星緣燈映看偏密月為人留下轉遲  
白髮老仙逢盛事綵毫先詠太平詩

其二

星斗爛熳落絳河魚龍激灑出滄波尋常巷陌皆車馬  
到處笙歌盡綺羅人意尚嫌春夜短燈光更比月明多  
謾教夷女僂僂舞細按吳兒宛宛歌

和謝雪坡錢塘見寄

經旬不見謝宣城，小楷烏絲寄遠情。  
黃篾樓高春夢破，綠羅衣薄暮寒生。  
鵠臨沙渚鷗俱浴，花落江泥燕與爭。  
亦欲雨蓑搖短楫，西湖新水蕩空明。

送鄭本初還越

深冬未飄一片雪，江梅已開千樹花。  
出門上馬霜滿屋，舞劍聞鷄月在。  
沙秦豈無人徒贈策，楚雖三戶復成家。  
壯懷亦有東遊夢，明日津頭見斷槎。

赤山書事寄龜巢謝隱君君南蘭陵人今避兵居

吳長洲之獨樹湖

曾向溪南看藝麻竹杠兜子一肩斜秧苗尚短仍含穀  
荷葉才高已上花蠶屋柘烟朝焙璽鵠爐沉火晝薰茶  
而今風雨成拋絕卧聽西園兩部蛙

贈勤上人別兼簡雲間陶宗儀

澄公高義動山川亂後今逢弟子賢四海交遊諸老盡  
百年衣鉢一燈傳詩題玉几峰前竹社散東林寺裏蓮

惟有赤城陶逸叟老懷能說舊時禪

寄林訓導謨

江上雪消春水渾故人書札到柴門英雄所見自相合  
貧賤之交誰與論漢室山河終混一秦城樓閣易黃昏  
平生不識之無字也學相如與賣文

長洲何明府見過

使君麾節未相訪正及南風百草長新語驚人渾爛漫  
奇才化俗更循良西山雲朵金銀氣東閣梅花冰雪香

便欲乘槎遠相從鳬鷺春水綠茫茫

漫興

十日南風吹雨晴隣家鶩鴨傍人鳴蒼苔門巷槐花落  
青草池塘荷葉生已喜包茅來楚貢不勞酈舌下齊城  
野情欲買滄浪屋醉詠鳬鷺歌太平

聞雪坡將還吳門

桑葉重重戴勝飛行人多報故人歸鬢從別後星星出  
花到春深樹樹稀詩喜官閒能不廢身緣謀拙事多違

便須出郭相迎迓  
遮莫南風雨滿衣

懷王隱君止仲

小几支頤却掩書身閒喜復見秋初山林自此縱橫落  
綺綸於人次第疎沙鳥浴江明白鷺水花搖雨淡紅蕖  
相知獨有王摩詰兩月無詩寄草廬

附王半軒次韻寄答

懷刺歸來卧枕書白雲滿榻閉門初草玄未信揚雄  
病禮法從知阮籍疎短障夕陽悲蟋蟀方塘秋水老

芙蓉南村口燥呼難得一任狂風攬敝廬

懷高著作季廸

坐看青江飲白虹不知樓閣又秋風  
瀰漫禾黍蒼烟外零落芙蓉暮雨中  
富貴逼人驚變豹文章鳴世豈雕蟲  
清時欲草征西檄只有陳留阮瑀工

附高青丘次韻寄答

殘雨翛翛映彩虹憐君獨咏楚臺風遠江帆影秋蕪  
外故苑砧聲晚樹中壯歲漸如辭幕燕閒身猶坐蠹

書蟲雅音自古無能好莫向人誇瑟最工

江村寒食

預折楊枝挿繞簷豆糜香軟麥餠甜春衣未染新絲織  
午篆猶分舊火添小雨送花青見萼輕雷摧笋碧抽尖  
不因人遠傷離別那得春愁上短鬢

乘槎為日者張德元賦

百尺枯槎孕氣靈濤花空影入滄溟星河弄月珠胎白  
銀漠流雲鶲羽青坐拂珊瑚龍婉婉卧看蓬島翠冥冥

不須更問君平卜認得黃姑駕彩輶

白雲深處為天平圭上人賦

上人卓錫亂雲中縹渺蓮花第幾峯行盡崎嶇方見塔  
望迷樓閣但聞鐘四山曉氣層層雨一逕秋陰曲曲松  
幾度相尋問童子水流花落竟無蹤

聽秋軒為方上人題

聽秋軒前秋滿庭聽秋軒裏貯秋聲噫嘘萬竅西南發  
搖落四山風雨鳴定起寶花如雪墮夢回璧月帶潮生

便須飛錫蒼梧野聞取釣天九奏笙

雨中懷沈達卿茂卿

立春一月二十日江鷗野鶩飛滿池杏花差白淨洗面  
楊柳半青爭畫眉沈郎多病徵未起王孫不歸吁可悲  
南周山頭養親好贈以金盤五色芝

天妃宮贈道士沈雪溪

帝遣神妃降紫芬海波搖蕩赤霞裙月明貝闕金銀氣  
日暖龍旛鼎屬紋青冊簡書天上錫紺帷靈語夜深聞

方壇露冷三花繞坐演琅函大篆文

題明皇貴妃對奕祿山傍觀圖

深院紋楸敵睡魔玉環用意蹙雙蛾只因數子藏機密  
不覺三郎失着多布陣似窺龍尾道爭邊未至馬嵬坡  
有人冷眼觀成敗若個胡兒是爛柯

問梅次趙元鼎韻

驚散溪頭一樹雲故人相別又相親兩三枝上幾分月  
四五點中多少春不入楚騷緣底事喬成羌笛是何因

芳心欲露還羞澁踏雪歸來香滿身

望太湖

天帝何年遣六丁鑿開混沌是雙青湖通南北澄冰鑑  
山斷東西列畫屏挾雨龍歸霄漢暝網魚船過水雲腥  
乘風欲往終吾老角里先生古洞庭

初春二首

雪晴泥軟不生埃春水浮香上綠苔柳色嫩於鶯破殼  
筍痕斑似鹿辭胎踏青鞋鞶平頭製試暖衣裳稱體裁

安得草堂江浦上紫桃紅杏一齊開

其二

春色撩人到天涯草香蘭氣總詩材酒邀同伴嘗新熟  
花趁初晴賞半開蹀躞馬隨車響過鞦韆人送笑聲來  
直須清夜紅羅燭莫負東風玉鏡臺

春日雜詠四首

雨雨風風未肯晴百年時序逼清明花無桃李非春色  
人有笙歌是太平黃鳥巧衝蝴蝶過紫骝騎趁玉驄行

酒家不用逢人問高挿花枝作旆迎

其二

偶自循籬出逕苔刺桐花落野棠開一年春已無多在  
幾個人曾有暇來浸穀陂塘科斗亂浴蠶時節杜鵑哀  
買山莫種閑花柳多覓松栽與栢栽

其三

蘭心刺促上枯根草色淒迷入舊痕灘觜無泥沙自白  
潮頭有雨水先渾龍祠神去鴉鳴樹魚市人歸犬應門

便織蓑衣與牛薦此身只合老江村

其四

陋巷荒蕪野趣濃小溪春水恰船通無邊草色猶春雨  
有幾梅花更晚風文體敢期盧駱並交情惟許范張同  
欲將浪迹隨溫鳥錯比溪南是瀼東

見花

聽風聽雨坐空齋不道春花爛漫開亂世身如危處立  
異鄉人似夢中來十年多故塵雙鬢萬事無心酒一杯

明日清明改新火且將榆柳着殘灰

清明後見花狼藉

春到清明花漸稀花應憐我見春遲多情杜牧重來日  
前度劉郎再到時莫為東風愁對酒且因流水獨臨池  
短牆深處無人折留得殘紅四五枝

立夏

風雨都無半日春滿溪鶯鶺水迷津櫻桃子熟已薦廟  
芭蕉葉長才過人壯歲得閑緣性拙故交雖淡却情真

如何蓋得江邊屋賸采新荷飯綠莼

木茶爐

紺綠仙人煉玉膚花神為曝紫霞腴九天清淚沾明月  
一點芳心托鷓鴣肌骨已為香魄死夢魂猶在露團枯  
嬌娥莫怨花零落分付餘醺與酪奴

竹素圖

百尺飛樓似石渠牙籤五色照窓虛平生不惜千金費  
喪亂猶存萬卷餘秦火已來皆斷簡楚經之外總閒書

晴雲滿榻芝香散應與諸郎校一初

裁竹

斲開蒼蘚種琅玕移得瀟湘入座看宿土半含春雨潤  
短籬斜護晚風寒紫苞未見搖冰雪翠葉終須宿鳳鸞  
何處銀笙吹夜月碧袍零落滿闌干

鶯翎菊

曾隨漚鷺浴滄浪又對芙蓉試淺粧露冷有香栖晚圃  
月明無夢到寒塘綠波春草當時雨黃葉秋風此夜霜

莫道淵明最憐惜右軍應為寫千行

卜流吳人於初正以穀占人一年休咎炒成花者吉否反是

春入吳門十萬家家家爆穀作生涯就鍋梨碎黃金粟隨手翻成白玉花紅粉佳人占喜事白頭老子問年華晚來分付兒童戲數片江梅撲鬢斜

梅花夢

綠萼仙人曉睡濃香魂縹緲逐東風翠禽啼破春如海蝴蝶飛來月滿空白玉樓臺潭落莫黃昏時節正朦朧

巡簷欲問神遊處只在孤山淺水東

徵赴京

亂後人如再得生敢於世上望聲名詩吟白屋惟安隱  
詔落丹厓陡失驚鳳闕有心求柱杖鯁材何量抵瓶罷  
不堪故舊愁分手楊柳楓橋第一程

到京

鬱葱王氣古金陵泰運重新感盛明臣庶梯航趨上國  
江山龍虎衛高城六街塵掠秦淮過萬戶鍾聲魏闕鳴

白髮到京期少補敢將詞賦重聲名

奉天殿早朝 二首

雙闕翬飛紫蓋高日華雲影映松濤萬年青擁連枝橘  
千葉紅開並蒂桃仗以玉龍銜寶玦珮將金兕錯銀刀  
乍晴風日忻妍美闔殿齊穿御賜袍

其二

貂璫綉帽列金撻玉節龍旛拱翠華甘露欺霜凝紫液  
卿雲如蓋結丹霞鶯聲近隔宮中柳駿騎遙穿仗外花

聖主直教恩澤遍香羅先到小臣家

新正試筆

寒隨殘臘去匆匆又見年光入眼濃恨不髮如春草綠  
笑曾花似面顏紅門無賀客酬佳節座有癡兒壽老翁  
已許承恩趨鳳闕珮聲齊到日華東

雪

欹欹整整復皚皚可是春冰細剪裁到處江山皆玉立  
誰家庭院不花開幾回旋繞還飛去半飄悠揚却下來

獨有梅邊易消滅也應和氣近蓬萊

東風

曉寒衣袂欲生稜沉火微薰半臂綾內苑未消千樹雪  
東風先解一池冰梅驚玉笛吹還落柳傍珠簾折未能  
回首帝城明月滿六街簫鼓萬家燈

元夕觀燈

練鸞扶轂駕雲輶寶騎揚鑣逐隊行十里燈光欺月色  
九衢歌響雜簫聲綺羅香繞長春苑珠翠人遊不夜城

喜極未能閑坐得也隨僚友看昇平

塔燈應制

百尺浮屠聳半空闌干十二影玲瓏日臨銅柱霞標爛  
風颶銀花火樹紅一劍騰光衝斗口五星揚彩入離宮  
高明願與君心並徧照逃亡草野中

上馬

晴來未覺是春朝已有東風着柳條雪自堅牢盈尺在  
冰纔輕薄一邊消不愁霧暗看花眼且倩人扶上馬腰

却憶探春湖上路小紅船子木蘭橈

新春左掖簡方員外

鷄籌送曉日初長粉署微薰應漏香草色才回半痕綠  
柳條初染一分黃玉壺冰解春無迹羅幕風來澹有光  
自愧才疎非畫諾敢隨鳴鳳集朝陽

送周鍊師玄初還吳

玄都春暖碧桃開鳴佩朝天到鳳臺夜檄雨龍江上發  
曉呼雲鶴洞中來黃精却老和泉煮丹橘娛親遠舍栽

為問長生應有術早修真籙進蓬萊

感春

茂苑東風散鼓鼙草堂近在柳營西春衣禁酒聊存着  
詩句懷人每謾題花有底忙衝蝶過鳥能多慧學鶯啼  
閉身準擬看山色又復朝參逐馬蹄

春日出郊

偶臨春水賞春晴更覺身隨步履輕人面映花潭一色  
竹音和雨恰齊聲衣從典盡須沉醉簪未容投且暫行

除却鳳林佳麗地更於何處樂昇平

送杭太祝代祀四瀆

馮夷擊鼓走黃龍夜報祠宮代祀來虎節不須桐柏去  
龍香且向呂梁開古來河海猶三望今日風塵上九垓  
若對壽春城下月可能卮酒醉荒萊

黃能之能匡來反水  
中三足鱉名也

應制送安南使臣杜相之還國

都門車馬曉駢駢勅送陪臣萬里歸使者重聞新寵詔  
嗣王仍賜舊頌衣驛亭五月蕉花落江路南風荔子肥

歸報大廷方徹樂也知存沒感皇威

送僧住姑蘇北禪

六年江海一論心又聽鐘聲出禁林  
歸路暖風芳草合講堂春雨落花深  
未誇葛老三編論獨愛韋郎五字吟  
水月仙人塵不染待君重振海潮音

悼楊文舉博士

白髮蒼髯老太常亂離終喜得還鄉  
八分書古追東漢七字詩工到盛唐  
謫久已無書滿屋病多惟有藥成囊

我慚同姓曾聯職宿草西風淚數行

送鄭與權之官七閩

七閩地暖不飛雪山路早行仍衣綿黃金結客記昔日  
白髮上官非壯年荔子晚風人似玉桄榔春雨樹如烟  
還家定跨揚州鶴流水寒松遠墓田

題玉真觀

五色琳宮綬玉題萬年瑤冊秘金泥屏風盡是青山疊  
矯蓋都將綠樹迷雲氣長陰時嘯虎日華先曉夜聞鷄

閔身願得同真侶卧看呦呦鹿引麌

送俊用章上人還中竺

五色雲迷貝葉牋寶幢花雨下諸天纔參闕下夔龍會  
又赴山中鹿豕筵萬法西來知幾劫一枝東指已千年  
行當着屐藤蘿外共看峰頭玉井蓮

春宵樓

春宵樓上人如玉一刻光陰直萬錢簾底按歌風細細  
酒闌私語月娟娟錦窩香暖雲初散羅幕燈昏客未眠

莫怪銅壺太催促長門猶嘆夜如年

狂歌

東風十日不成雨北郭兩山吹作塵縱橫自可二千石  
貧賤何須七尺身醉後狂歌皆慟哭老來春色最傷神  
且將建業城邊柳持贈山陽笛裏人

秦淮官舍懷春

潮來灘觜綠沉沙獨坐微吟送物華強健憶曾身似犧  
風流那復鬢如鴉十年金谷園中友三月長安馬上花

春色正濃人意好且教群吏暫休衙

晚春

三首

旌旗獮獮繞高城曲水飄香出綉楹雨頡風颺枝外蝶  
花遮柳映樹頭鶯乍籠紗憤羞容老試着羅衣覺體輕  
猶憶醉歸湖上路滿身飛絮馬縱橫

其二

宮樹參差帶苑牆暖塵兼霧撲衣裳新蒲細柳皆春色  
紫燕黃鶯欲斷腸沽酒客來花未落祓除人去水猶香

老懷無復登臨賞坐對鍾山到夕陽

其三

辛夷如雪照庭柯  
老去愁驚日已過  
芳草漸於歌館客  
落花偏向舞筵多  
故人別後皆黃土  
南浦春來又綠波  
便欲移家勾曲住  
採芝種玉此山阿

寓江寧村居病起寫懷

十首

落梅風急晚蕭蕭  
病起愁驚雪盡消  
卮酒不添前日量  
帶圍初減舊時腰  
高樓錦瑟花連屋  
深巷珠簾柳映橋

淮擬青鞋踏春草看他翡翠戲蘭苕

其二

病體支離倦裏巾偶因行樂見陽春  
梅緣無恨尋常瘦柳故多愁  
日夜顰夢裏笙歌隨驃  
裏畫中羅綺繡麒麟相期欲就吳姬飲  
却恐江花笑客貧

其三

性懶逢春睡轉昏曉鶯多在夢中聞  
故人錦字憑誰寄學士銀魚每自焚布縠  
雨晴宜種藥葡萄水暖欲生芹

相思未信蓬山遠只隔江東一片雲

其四

望盡吳山是楚峰一緘芳信托歸鴻丁香暗結盈盈露  
荳蔻微含細細風春水染衣鸚鵡綠江花落酒杜鵑紅  
此身曾是登瀛客未信扶桑弱水東

其五

不知殘雪是春光起見輕雲覆野塘春草春江相妬綠  
新鶯新柳鬪爭黃囊無太史新頌歷衣有容臺舊賜香

但使清尊花底醉任教白髮鏡中長

其六

東風拂柳軟婆娑野鳥啼春聽未和世事不隨人意好  
雨聲偏為客愁多回文篆小香如蟻凹面杯深酒勝鴉  
一帶春江皆碧草却愁無地着漁蓑

其七

醉舞狂歌四十年老來參得一乘禪東風未濕牆腰雪  
細雨微添石眼泉無數白鷗閒似我一江春水碧於天

莫言笠澤非彭澤定擬金川是輞川

其八

坐對青山覺眼明山應憐我眼偏青一官不博三竿日  
萬事無過兩鬢星星花底蝶絲迷蛱蝶草根蝦族變蜻蜓  
文章無預封侯相莫向人誇識一丁

其九

十里吳堤踏暖塵老懷忽憶故鄉春泥金孔雀裁歌扇  
刻玉麒麟壓舞茵翠袖錦箏邀上客畫船銀燭照歸人

而今白髮東風裏疑是前身與後身

其十

門外春泥一尺深窓間雲氣十分陰寒毡溜雨衾如鐵  
濕竈凝烟火似金酒解驅愁時強飲詩多感舊懶長吟  
貧家不願千金粟但得陽烏照晚林

新柳

濃如烟草淡如金濯濯姿容裊裊陰漸軟已無憔悴色  
未長先有別離心風來東面知春淺月到梢頭覺夜深

惆悵隋宮千萬樹淡烟疏雨正沉沉

春草

嫩綠柔香遠更濃春來無處不茸茸六朝舊恨斜陽裏  
南浦新愁細雨中近水欲迷歌扇綠隔花偏襯舞裙紅  
平川十里人歸晚無數牛羊一笛風

春水

溶溶漾漾欲平橋知是巴江雪盡消紅雨落花來衮衮  
綠烟芳草去迢迢沅湘已沒鷗邊渡溢浦新添鶩外潮

向晚漁郎走相報大家齊上木蘭橈

樹底

偶自無眠樹底行不關春色惱人情蛙當靜夜聽偏鬧  
鳥並深池宿屢驚楊柳無風偏嬾娜梨花有月更分明  
春江一派東流去剛道波聲為不平

白髮

江柳逢春已變金雪消江水到門深青山識我歸來意  
白髮消人仕宦心半醉半醒花冉冉間愁閒悶

莫言萬事中年後不是中年已不禁

減衣

春衣初減覺身輕老眼緣晴遠倍明濯足愛臨流水坐  
看山羞逐少年行江花一色多於雪野鳥雙啼闋  
莫道飄零易傷感故鄉應更不勝情

清明寫懷

江樹龍葱入苑青祓除時節又清明漢宮蠟燭分闋

唐女羅衣傍水行一片花飛愁燕燕三分春去怨鶯鶯

卷八  
人生幾度東闌雪莫道黃州自有情

江畔尋花偶成

二首

細草平沙暖更融謾隨蝴蝶步東風衰鬢照水疑添白  
老眼看花覺厭紅且自細聽鶯宛宛莫教深惜燕忽忽  
江村到處皆春色聊與行人弔客中

其二

偶隨流水到花邊便覺心清似昔年春色自來皆夢裡  
人生何必盡樽前平原席上三千客金谷園中百萬錢

俛仰繁華竟陳迹野花啼鳥謾留連

上巳對雨

三月長安草滿坡年年修禊禊笙歌麗人羅袖珠腰  
極中使銀鑰錦勒靴江上只今春雨暗水邊何處落花多  
不須惆悵開元事寂寂山陰長薜蘿

再用前韻書事三首

春來不到鳳凰坡辜負江頭白苧歌輕薄衣裳宜換被  
軟紅泥土不沾靴鶯緣夢短嗔啼早雨為花疎厭聽多

只恐新晴便零落南風吹老樹陰蘿

其二

秦水遙連渭水坡周人按舞鄭人歌轔轔回轉秋千索  
龜甲斜縫蹴踘蹏轍迹不教青草合鶯聲偏向綠楊多  
而今折贈無紅葉枳棘蒙茸蓋女蘿

其三

莫將南浦擬東坡且對吳兒唱楚歌醉裏那知鬢似戟  
老來方信面如靴驚人事業非難做傳世文章不在多

步逐東風看花柳幾時山月照烟蘿

春日白門寫懷用高季廸韻十首

得歸雖喜未忘悲夢裏愁驚在別離尚短柳如新折後  
已殘梅似半開時江雷殷夜蟲蛇早山雨崇朝蝶蝶遲  
製取烏紗籠白髮免教春色笑人哀

其二

萬里歸來戴鶡冠老懷無復舊時歡沙邊野水鷗隨沒  
竹外青山鶴從看花信幾番風作陣江聲連日雨添寒

無心車馬千鍾祿有幸茅茨一榻安

其三

柴門斜對曲江頭農具漁曾晚自收細雨短莎寒似臘  
淡烟新柳暝如秋鷗能來往緣曾識鶯或丁寧解說愁  
回首故交零落盡更將詩酒與誰遊

其四

阮途無用苦悲窮已拚衷顏漸老翁沙鴈隨春衝北雨  
江花迎暖待東風文章誤我虛名在貧賤輕人舊業空

惆悵成臯遷謫地夜闌猶入夢魂中

其五

綠髮無多白髮長謫居還復是他鄉風紉晚佩猗蘭弱雨滴春蔬早韭香碧柳五株千本菊黃牛十角一羣羊得閒隨地為農好不獨長安與洛陽

其六

未即移家返敝廬且移妻子傍村墟千金已費床頭劒一字無存架上書短髮恨因多難白故交慚為久貧疎

浮名薄俗看俱幻獨有耽詩癖未除

其七

遠歸偏惜竄餘身多難畊為異姓親前度劉郎非故物  
當時燕子總西隣家貧母老難為客酒薄愁深不醉人  
走向津頭看春色綠波芳草却傷神

其八

綠蕪迷渚水漫沙斷岸無舟路轉賒細柳已黃千萬縷  
小桃初白兩三花烟中晚棹兼漚遠雨裏春旗趁屋斜

野趣莫嫌渾寂寞近來沙觜有人家

春暮有感

春色鮮明不稱貧越羅川錦照烏巾斜陽芳草遲遲晚  
流水桃花去去春萬里歸心漚送客片時間夢鳥催人  
五湖風雨烟波澗便着青蓑採白蘋

其二

啼鳥匆匆變物華雨池科蚪漸成蛙青鞋謾踏閣邊草  
白髮羞簪醉裏花此日驛鴕思苜蓿當時鸚鵡喚琵琶

遙憐簫鼓追遊地  
薺麥青青已沒鴉

夜坐

看雪曾登百尺樓  
江頭回首又新秋  
虛名未死猶相累  
舊業雖貧底足憂  
身暫得閑如換骨  
心長無愧勝封侯  
夜深風露涼如許  
坐對明河澹澹流

漸老

漸老無營萬慮沉  
驚聲喚起向來心  
春風顛似唐張旭  
天氣和如魯展禽  
結客每酬雙白璧  
纏頭曾費萬黃金

短筇消得江村路 步步薔薇綠樹陰

答李仲弘寫懷次韻

二首

休對清江嘆逝波 且拋簪珮着漁蓑  
愁邊卮酒歡娛少 老後文章感慨多  
燕子綠薰三月雨 杏花春水一羣鶯  
聊將白髮歸來意 總和東風懊恨歌

其二

春來渡口足風波 獨立船頭舞短蓑  
高柳忽驚啼鳥變 故園應是落花多  
尋人不敢門題鳳 紛愛客都將字換鶯

獨有屋西山數疊也應憐我醉時歌

移家

不思歸隱却移家旋買輕舟繫淺沙飲興已拚今後絕  
吟情方悔向來差龍將急雨拋成電虹入輕雲映作霞  
交友十年零落盡與誰同看上林花

寄張學錄孟兼揭應奉孟同二文學

何用聰明萬卷書自須卑陋一廛居草於閭處生偏密  
花到春深看漸疎綠水滿渠流藥後青山無數卷簾初

相遇莫道柴門窄細柳高槐可蔭車

寄潛齋夜坐聽雨

獨憑書几坐空齋  
靜裏孤蛩語自哀  
雨點故隨更點落  
秋聲偏逐鴈聲來  
一奩香篆銷仍在  
兩穗燈花鬢未開  
不用追思十年事  
此心今日已成灰

不寐

斜河轉影月當櫺  
舊事牽愁酒漸醒  
半紙功名雙夢蝶  
十年辛苦一囊螢  
麒麟照眼嗟還失  
鴻鴈驚心忍暫聽

如此老懷如此夕鬢毛那得不星星

雨中獨坐有懷榮陽道中用寄潛齋夜坐韻

山色秋光澹逸齋雨聲蟲響互悲哀清尊憐我攻愁去  
白髮欺人送老來江柳淨無餘葉在渚蓮遲有一花開  
馬蹄却憶成臯路野曉西風滿面埃

早秋江墅晚步

秋前秋後十日雨村北村南千頃麻晚渚芙蓉輕落片  
午前秔稻細含花仙翁蠟屐高巾幘溪女銀釵小髻髽

老我不知官府事水邊吟到日西斜

自笑用前韻

自笑多愁鬢有華懶求真訣飯胡麻庭蕪綠是今年草  
離槿紅非昨日花西月墮江沉半璧北山當屋露雙髻  
此身那得如鷗鷺雨泊風飄片片斜

梅杏桃李

落莫香魂繞舊宮詎知色本來空笛聲黃鶴高樓上  
詩句孤山小店中曉樹烟霜千萬點晚籬松竹兩三叢

相思咫尺憑誰寄目斷天南樹樹鴻右梅花

其二

當時庭館醉春風客裏相逢意轉濃只恐胭脂吹漸白  
最憐春水照能紅一枝爭買珠簾外千樹遙看小店中  
惆悵先生歸去後江南烟雨又濛濛右杏花

其三

深深翠竹映嬋娟湘女梳粧立曉烟流水落花成悵望  
舞裙歌袖是因緣也無人折休相妬纔有鶯啼更可憐

却憶東闌碧千葉暖風香雨為誰妍

右桃花

其四

憶與盧仝共看來花光月色兩徘徊江村遠處長相識  
風雨寒時已早開霽雪玲瓏愁易濕春冰輕薄笑難裁  
江城二月城西路誰惜柔香滿翠苔

右李花

眉菴集卷八